



Broj:
Sarajevo, 01. 02. 2023.

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
САРАЈЕВО

PRIMLJENO.			
Organizaciona jedinica	Klasifikaciona oznaka	Redni broj	Broj priloga
		01-30-1-239/23	

ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
ПРЕДСТАВНИЧКИ ДОМ
n/r predsjedavajućeg, g-dina Denisa Zvizdića

UPUTITI: Uredju visokog predstavnika u Bosni i Hercegovini

PREDMET: Poslaničko pitanje

U skladu sa članom 166. Poslovnika Predstavničkog doma Parlamentarne skupštine BiH (Službeni glasnik BiH br.79/14, 81/15, 97/15, 78/19, 26/20, 53/22), postavljam sljedeće

POSLANIČKO PITANJE

Da li je prije imenovanja Vijeća ministara, a u skladu sa Zakonom o Vijeću ministara i Zakonom o zaštiti tajnih podataka, tražena od OSA-e sigurnosna provjera za one kandidate, sada već ministre, koji po navedenim zakonima MORAJU prije stupanja na dužnost proći takvu provjeru kako bi mogli dobiti sigurnosnu dozvolu za stepen „tajno“ i „vrlo tajno“?

Ovo se pitanje posebno odnosi na ministra sigurnosti koji, kao državni sigurnosni organ, takvu dozvolu nužno mora imati ne samo po prirodi svog posla (uostalom, kao i ministra odbrane – radi stalnog doticaja sa unutrašnjim i međunarodnim tajnim ili zaštićenim podacima), već i zarad činjenice da on čak, između ostalog, i potpisuje takve dozvole drugima u sigurnosnom sektoru, kojima su one po opisu posla nužne kao uslov za određeno radno mjesto.

Ukoliko su sigurnosne provjere ipak tražene i provedene i pritom nekim slučajem sigurnosne dozvole dodijeljene – bilo bi neophodno (makar radi javnosti) i veoma važno (zbog brojnih kontroverzi u vezi sa nekim imenovanjima) da nam se takav podatak zvanično dostavi ili predoči.

Ukoliko pak navedene, zakonski eksplicitno propisane sigurnosne provjere uopšte nisu provedene, nužno bi bilo da se zastupnicima i javnosti odgovori na pitanje:

ZAŠTO to nije urađeno:

- da li sigurnosne provjere nisu ni tražene (možda zbog sumnje da neće biti dobijene ili po našem isprobanoj modelu „znamo da nije po zakonu, ali nam se žuri“), odnosno
- postoje li eventualne personalne zakonske smetnje zbog kojih se unaprijed pretpostavilo da pojedini kandidati neće moći dobiti dozvolu za pristup tajnim podacima?

S poštovanjem,

PODNOŠILAC

/Milan Dunović, poslanik/